

CYFARFOD	Cyngor Llawn
DYDDIAD	15fed Mehefin 2017
PWNC	Disgrifiadau o rolau
PWRPAS	Gofynnir i'r Cyngor Llawn fabwysiadu'r disgrifiadau rolau amrywiol.
AWDUR	Geraint Owen, Pennaeth Gwasanaethau Democrataidd

## **PWRPAS**

- 1.1 Cyflwynir 'ddisgrifiad o rolau' (drafft) amrywiol yn Atodiad A, yn argymhelliad gan y Pwyllgor Gwasanaethau Democrataidd i'w mabwysiadu'n ffurfiol gan y Cyngor Llawn.
- 1.2 Un o'r prif fanteision o greu a mabwysiadu'r 'disgrifiad o rolau' yw'r budd a gaiff aelodau newydd i'r Cyngor o'u defnyddio fel canllaw i ddeall yn well y gwahanol rolau ar wahanol bwyllgorau.
- 1.3 O ystyried yr uchod, cyhoeddwyd y 'disgrifiad o rolau' (drafft) ar y Porth aelodau er mwyn cynorthwyo'r aelodau a etholwyd o'r newydd ym mis Mai yn unol â chais y Pwyllgor Gwasanaethau Democrataidd.
- 1.4 Mae mabwysiadu disgrifiadau o rolau ar gyfer aelodau hefyd yn rhan o'r gwaith y mae'r Pwyllgor yn ei wneud er mwyn sicrhau ennill 'Breinlen Cynorthwyo a Datblygu Cynghorwyr'.
- 1.5 Er gwybodaeth, datblygwyd y Freinlen gan Gymdeithas Llywodraeth Leol Cymru, a chyfeirir ati ar lafar fel 'Siarter Aelodau'. Mae elfennau o'r Freinlen yn cyd-fynd ac yn adeiladu ar ofynion Mesur Llywodraeth Leol 2011 (Cymru). Bwriad y Freinlen yw gosod safonau penodol ym maes datblygu aelodau.

## **CEFNDIR**

- 2.1 Roedd nifer o ddisgrifiadau o rolau yn bodoli eisoes, ond sylweddolwyd fod angen creu nifer o'r newydd hefyd.
- 2.2 Sefydlwyd is-grwp i edrych ar y gwaith, a diweddarwyd y disgrifiadau rolau oedd yn bodoli eisoes ar yr un pryd a chreu rhai newydd. Defnyddiwyd canllawiau'r Gymdeithas Llywodraeth Leol Cymru i lunio pob un o'r Disgrifiadau o Rôl a Chyfrifoldeb Aelod ac yn ogystal, ar gyfer y Pwyllgor Archwilio, defnyddiwyd canllawiau CIPFA (The Chartered Institute of Public Finance and Accountancy). Mae pob Disgrifiad o Rôl a Chyfrifoldeb Aelod (Drafft) yn cynnwys disgrifiad o'r sgiliau angenrheidiol i gyflawni yn y gwahanol rolau.

- 2.3 Ymgynghorwyd yn eang ar gynnwys y gwahanol Disgrifiadau o Rôl a Chyfrifoldeb Aelodau (Drafft) gyda'r Penaethiaid Gwasanaeth perthnasol, y Pennaeth Gwasanaeth Cyfreithiol, Arweinydd y Cyngor, y Tim Arweinyddiaeth ynghyd â swyddogion y Gwasanaeth Democrataidd.
- 2.4 Noder, nid oes elfen o werthuso ynghlwm â mabwysiadu disgrifiadau o rolau. Fodd bynnag, cynigir cyfweiliadau datblygu personol i unrhyw aelod sy'n dymuno manteisio ar sgwrs i adnabod dulliau o ddatblygu eu sgiliau ymhellach.
- 2.5 Noder isod restr o'r disgrifiadau o rolau i'w mabwysiadu
- Aelod o Gyngor Gwynedd (sydd yn berthnasol i bob aelod)
    - Aelod o Bwyllgor Archwilio
    - Cadeirydd Pwyllgor Archwilio
    - Aelod o Bwyllgor Craffu
    - Cadeirydd Pwyllgor Craffu
    - Aelod Pwyllgor Gwasanaethau Democrataidd
    - Cadeirydd Pwyllgor Gwasanaethau Democrataidd
    - Aelod Pwyllgor Safonau
    - Cadeirydd Pwyllgor Safonau
    - Aelod Pwyllgor Trwyddedu
    - Cadeirydd Pwyllgor Trwyddedu
    - Aelod Pwyllgor Cynllunio
    - Cadeirydd Pwyllgor Cynllunio
    - Cadeirydd y Cyngor
    - Arweinydd Gwrthblaid a'i Ddirprwy

Gweler Atodiad A ar gyfer manylion y 'disgrifiad o rolau'.

### **3. ARGYMHELLION**

- 3.1 Gofynnir i'r Cyngor Llawn fabwysiadu'r 'disgrifiadau o rolau' ar gyfer y rolau a nodir yn 2.5 uchod.